



Bosna i Hercegovina  
Federacija Bosne i Hercegovine  
Hercegovačko – neretvanski kanton  
Općina Konjic  
NAČELNIK



Broj: *AS-20-866/20*  
Konjic, 06.03.2020.

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06 i 51/09), člana 38. Statuta Općine Konjic („Službeni glasnik Općine Konjic“ broj 4/11 i 6/11) i Pravilnika o kriterijima i načinu ostvarivanja sredstava iz budžeta Općine Konjic za povećanje i razvoj poljoprivredne proizvodnje (Službeni glasnik Općine Konjic broj 01/20), općinski načelnik r a s p i s u j e

## JAVNI POZIV

### za dodjelu sredstava za podsticaj u poljoprivrednoj proizvodnji

#### I VRSTE SREDSTAVA

Ovim Javnim pozivom će se sufinansirati slijedeće aktivnosti u poljoprivrednoj proizvodnji:

- A) – Nabavka sistema za navodnjavanje „Kap po kap,“
- C) – Program preventivnih mjera zaštite i prehrane u biljnoj i animalnoj proizvodnji
- D) – Organska proizvodnja
- E) – Proizvodnja jagodičastog voća (malina, jagoda, kupina i borovnica) po predatoj količini
- F) – Sufinansiranje nabavke sjemena i sadnog materijala za biljnu proizvodnju (voćarstvo i povrtlarstvo)
- G) – Podrška za registrovani obrt u svim poljoprivrednim proizvodnjama
- H) – Nabavka plastenika i staklenika

#### II PRAVO UČEŠĆA

Pravo učešća na Javnom pozivu imaju sva porodična poljoprivredna gazdinstva i fizička lica – obrtnici, sa područja Općine Konjic, upisana u Registar poljoprivrednih gazdinstava i registar klijenata (RPG i RK) i koja ostvaruju poljoprivrednu proizvodnju na području općine Konjic, zatim poljoprivrednici, članovi jednog od Udruženja Saveza poljoprivrednih udruženja Konjic i koji blagovremeno podnesu zahtjev za podsticaj sa potrebnom dokumentacijom i ispune sve propisane uslove.

### III OSNOVNI KRITERIJI

**Podnosioci zahtjeva treba da ispunjavaju slijedeće uslove:**

1. Zahtjev mora biti potpun u cjelosti, u slučaju podnošenja zahtjeva sa nepotpunim informacijama, isti neće biti uzet u razmatranje prilikom odabira korisnika,
2. Podnosilac zahtjeva mora imati prebivalište na području općine Konjic i na istoj obavljati svoju poljoprivrednu proizvodnju,
3. Poljoprivredno gazdinstvo mora biti upisano u Registar poljoprivrednih gazdinstava i klijenata u Općini, te izvršeno ažuriranje podataka za 2020. godinu,
4. Podnosilac zahtjeva mora biti član nekog od Udruženja Saveza poljoprivrednih udruženja Konjic – prednost imaju poljoprivrednici koji su dvije i više godina članovi nekog od Udruženja,
5. Da je podnosilac zahtjeva ili član uže porodice vlasnik ili posjednik poljoprivrednog zemljišta,
6. Da je podnosilac zahtjeva saglasan da finansira procentualni iznos naznačen po stavkama Javnog poziva za koji aplicira,
7. Podnosilac zahtjeva mora ispuniti sve propisane uslove po Javnom pozivu po određenim stavkama.

### IV POTREBNA DOKUMENTACIJA

1. Obrazac za prijavu na Javni poziv,
2. CIPS prijava podnosioca zahtjeva – original ili ovjerena kopija,
3. Kopija lične karte,
4. Ovjerena kućna lista,
5. Lista stoke i/ili korištenja,
6. Ovjerena izjava da će korisnik zadržati u vlasništvu, najmanje 3 godine od dana potpisivanja Ugovora, opremu koja mu se dodjeli (plastenik/staklenik, sistem „kap po kap“),
7. Ovjerena izjava da će korisnik finansirati procentualni iznos naznačen po stavkama Javnog poziva za koji aplicira,
8. Za obrtnike – kopija rješenja o registraciji,
9. Potvrda o članstvu u nekom od Udruženja Saveza poljoprivrednih udruženja Konjic.

### V SISTEM BODOVANJA ZA DODATNE KRITERIJE

Br.	Dodatni kriterij	Indikator
1.	Broj članova domaćinstva	<input type="checkbox"/> Jedan član domaćinstva = 1 bod
2.	Podnositelj ima registrovanu djelatnost - OBRT	<input type="checkbox"/> DA, registrovana djelatnost = 3 boda <input type="checkbox"/> NE, nije registrovana djelatnost = 0 bodova
3.	Član nekog od Udruženja Saveza	<input type="checkbox"/> Članstvo u 2020. godini = 1 bod <input type="checkbox"/> Članstvo od 1 – 2 godine = 2 boda <input type="checkbox"/> Članstvo od 2 – 3 godine = 3 boda <input type="checkbox"/> Članstvo od 3 – 5 godina = 4 boda <input type="checkbox"/> Članstvo 5 i više godina = 5 bodova
4.	Površina pod nasadom jagodičastog voća	<input type="checkbox"/> 1 dulum = 1 bod <input type="checkbox"/> 2 duluma = 2 boda <input type="checkbox"/> 3 duluma i više = 3 boda

## **VI POSEBNI KRITERIJI ZA OSTVARIVANJE PRAVA NA SREDSTVA PO AKTIVNOSTIMA**

### **A) Nabavka sistema za navodnjavanje "kap po kap"**

Pravo na sredstva za sufinansiranje (50%) nabavke sistema za navodnjavanje imaju poljoprivredni proizvođači koji se bave voćarstvom i povrtlarstvom, na minimalnoj površini od 0,2 ha, i koji zahtjevu prilože:

- izjavu o zajedničkom domaćinstvu, ako podnosilac zahtjeva nije nosilac gazdinstva ili potvrdu o upisu u RPG
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza

### **C) Program preventivnih mjera zaštite i prehrane u biljnoj i animalnoj proizvodnji (Apliciraju Udruženja Voćara, Povrtlara, Pčelara i Stočara za svoje članove)**

Pravo na sredstva za sufinansiranje (50%) laboratorijske analize tla, nabavke sredstava preventivne zaštite i sufinansiranje prehrane u biljnoj i animalnoj proizvodnji imaju poljoprivredni proizvođači, koji uz zahtjevu prilože:

- izjavu o zajedničkom domaćinstvu, ako podnosilac zahtjeva nije nosilac gazdinstva, ili potvrda o upisu u RPG
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza

### **D) Organska proizvodnja**

Pravo na sredstva za sufinansiranje (50%), a poslije dokaza o obavljenoj certifikaciji u organskoj proizvodnji imaju poljoprivredni proizvođači koji izvrše certifikaciju organske proizvodnje i koji zahtjevu prilože:

- izjavu o zajedničkom domaćinstvu, ako podnosilac zahtjeva nije nosilac gazdinstva, ili potvrda o upisu u RPG
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza.

### **E) Proizvodnja jagodičastog voća (malina, jagoda, kupina i borovnica) po predatoj količini**

**(Aplicira Opća poljoprivredna zadruga „Konjic“ za svoje kooperante)**

Pravo na sredstva za sufinansiranje imaju poljoprivredni proizvođači po predatoj količini jagodičastog voća i to u iznosu od 0,15 KM/kg, uz zahtjevu prilože:

- izjavu o zajedničkom domaćinstvu, ako podnosilac zahtjeva nije nosilac gazdinstva, ili potvrdu o upisu u RPG
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza
- dokaz o otkupu – otkupni blok ovjeren od strane registrovanog otkupljiivača

#### **F) Sufinansiranje nabavke sjemena i sadnog materijala za biljnu proizvodnju (voćarstvo i povrtlarstvo)**

Pravo na sredstva za sufinansiranje (30%) nabavke sjemena i sadnog materijala za biljnu proizvodnju imaju poljoprivredni proizvođači, koji vrše nabavku sadnica i presadnica na minimalnoj površini od 0,2 ha i zahtjevu prilože:

- izjavu o zajedničkom domaćinstvu, ako podnositelj zahtjeva nije nosilac gazdinstva,
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza
- Dokaz o kupljenom sjemenu i sadnom materijalu (fiskalni račun i deklaracija).

#### **G) Podrška registrovanim obrtnicima u svim poljoprivrednim proizvodnjama 1.000,00 KM po korisniku**

Pravo na sredstva za sufinansiranje imaju obrtnici koji imaju registrovan obrt u nekoj od poljoprivrednih proizvodnji te uz zahtjev prilože:

- Dokaz o izmirenim uplaćenim porezima i doprinosima za prethodnu godinu
- Kopija rješenja o registraciji obrta
- Potvrdu o broju žiro računa
- Dostave Završni račun za prethodnu godinu.

#### **H) Nabavka plastenika i staklenika**

Pravo na sredstva za sufinansiranje (50%, a max. 500,00 KM) nabavke staklenika i plastenika imaju poljoprivredni proizvođači, koji vrše nabavku staklenika i plastenika, minimalne površine 50 m<sup>2</sup> i zahtjevu prilože:

- izjavu o zajedničkom domaćinstvu, ako podnositelj zahtjeva nije nosilac gazdinstva, ili potvrdu o upisu u RPG
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza

### **VII**

#### **NAČIN OSTVARIVANJA PRAVA NA SREDSTVA**

- Klijent može ostvariti pravo na sufinansiranje do maksimalnog iznosa 2.500,00 KM, osim gore posebno navedenih i maksimalno za dvije stavke.
- Novčana sredstva će se dijeliti sukcesivno dio po dio, po tačkama i po prioritetima i kapacitetu.
- Grant sredstva se dodjeljuju jednokratno, po javnom pozivu godišnje.
- Prijedlog prioriteta i raspodjele određuje komisija za dodjelu sredstava formirana od strane načelnika. Komisija broji 4 (četiri) člana od kojih su dva člana ispred Općine i dva predstavnika Saveza poljoprivrednih udruženja Konjic. Predsjednik Komisije je ispred Općine Konjic.
- Zahtjevi za dodjelu sredstava, a po javnom pozivu, podnose se Općinskoj službi za privredu, finansije i društvene djelatnosti na originalnom obrascu koji se preuzima na info – pultu Općine. Uz zahtjev se obavezno prilaže sva potrebna dokumentacija.
- Sve vrste sredstava se ostvaruju u dogovoru sa komisijom, a po prethodnom urađenom nedostajućem dijelu sredstava od strane vlasnika, koja je dužna na licu mjesta utvrditi činjenično stanje i zapisnički konstatovati.

- Finansiranje mjera – aktivnosti će se vršiti putem Saveza.
- Sredstva za sufinansiranje ostvaruju se nakon uplate sredstava od strane podnosioca zahtjeva u dogovoru sa komisijom, a po prethodno pribavljenoj ponudi o cijeni nabavke opreme.
- Na osnovu prijedloga komisije za kandidate koji ispunjavaju uslove Načelnik Općine Konjic će potpisat ugovor o ostvarivanju prava na sredstva.
- Komisija je dužna u roku od 30 dana izvršiti kontrolu utroška dodjeljenih sredstava i pismeno izvijestiti Službu za privredu, finansije i društvene djelatnosti.
- Ukoliko sredstva ne budu namjenski iskorištena, korisnik je odgovoran materijalno i krivično, što će biti regulisano ugovorom.
- Sredstva će se dijeliti do iznosa predviđenog u budžetu za tekuću godinu.
- Javni poziv objavljuvat će se svake tekuće godine u roku od 30 dana od dana usvajanja Budžeta općine Konjic za tekuću godinu.
- Nakon isporuke sredstava korisnike objavit na WEB stranici općine Konjic
- Ukoliko sredstva prelaze iznos predviđen Budžetom za poticaj u poljoprivrednoj proizvodnji, vršit će se raspodjela sredstava i to umanjivanjem količina po aplikacijama, a na osnovu liste korištenja i liste stoke iz RPG i RK.

Obrasci zahtjeva za prijavu mogu se preuzeti na info pultu Općine Konjic i zajedno sa dokumentacijom predati u zatvorenoj kovrti na protokol Općine Konjic sa naznakom „Za Javni poziv za dodjelu sredstava za podsticaj u poljoprivrednoj proizvodnji – stavka A, C, D, E, F, G i H“, a rok za podnošenje zahtjeva je 15 dana, od dana objavljivanja Javnog poziva u sredstvima javnog informisanja općine Konjic (RTV Konjic), web stranici Općine Konjic [www.konjic.ba](http://www.konjic.ba), te na oglasnoj ploči Općine Konjic.

Sve dodatne informacije mogu se dobiti u Službi za privredu, finansije i društvene djelatnosti Općine Konjic, ili na broj telefona 036/712-236 svakim radnim danom od 08:00-16:00, kao i u prostorijama, na web stranici i Oglasnoj ploči Saveza poljoprivrednih udruženja Konjic ili na broj 036/735-041.

**Javni poziv ostaje otvoren do 23.03.2020. godine do 15:30 sati.**  
 Nepotpune i neblagovremene prijave se neće uzeti u razmatranje.

**DOSTAVITI:**

1. Savez poljoprivrednih udruženja Konjic
2. Oglasna tabla Općine Konjic
3. Web stranica Općine Konjic
4. Načelnik
5. Služba x 2
6. A/a



Maršala Tita br.62  
 88400 Konjic  
 Bosna i Hercegovina

Telefon: +387 (0)36 712 200  
 Fax: +387 (0)36 729 813  
 E-mail: [opcina.konjic@konjic.ba](mailto:opcina.konjic@konjic.ba)  
 Web: <http://www.konjic.ba>

PB: 07140955  
 ID: 4227204140005